

文淵閣

影印

四庫全書

影印

文淵閣四庫全書

第一三三八冊

北京出版集團公司
北京出版社

本册目次

文苑英華(六)

宋 李 昉等奉敕編……………一

翰林院官進士
翰林院官進士
翰林院官進士
翰林院官進士
翰林院官進士
翰林院官進士
翰林院官進士
翰林院官進士
翰林院官進士
翰林院官進士

翰林院官進士

欽定四庫全書

集部
文苑英華卷五百三十二至
四

詳校官給事中_臣李臺

助教_臣常循覆勘

總校官進士_臣朱鈐

校對官中書_臣胡紹基

謄錄監生_臣張若湘

欽定四庫全書

文苑英華卷五百三十二

宋 李昉等 編

封建拜命請命職官門二十一

封建

賜則出就判六道

拜命

拜命布武判三道

請命

欽定四庫全書

文苑英華
卷五百三十二

請命服判二道

小國附庸判一道

職官

三公佩刀入閣判一道 方領為衣判一道

問羊知馬判一道 鈎距為業判一道

大匠拜將改廳判二道 員外郎諫題劍判一道

錦衣狐裘判一道 太守步歸郡邸判一道

封建

賜則出就判

甲賜則有司令其出就訴云未成

對

王者制義所以祿賢能人臣奮庸於是受錫命甲自天祐實勞王爵大邦吉士小雅蓋臣崇其徽章假其禮物漢詔求士寵錫惟重周官賜則命數未弘既曰不如守官且能辭不失舊密過侯服公卿采地非成國之制無出就之義魯叔孫之朝王賜之先輅鄭豐段鄭有豐段英華作假非之如晉受以周田豈可比諸侯之撫封等功臣之就

欽定四庫全書

文苑英華
卷五百三十二

國薄言之訴誠謂有孚慎乃攸司寧宜假器

同前

肆觀群后事資班瑞疇庸千乘義取朝宗等威有正位之常名器無假人之道甲以榮參賜則齒列建侯位若附庸僭東蒙而為主地非成國異南面而稱孤虛揖五王之班徒承四時之事闕內受賦獨申恩於萊田丘中食采未延賞於茅土恩齊國典方期率職眷言彼甲何顏就封皮弁守官寧拒有司之命毳衣知禮無違先正

之書

同前

蘇綰

欽若典章丕承政道九州封域始昭於禹訓五等爵土終叶於殷謨馴致者何率由斯在聖朝恢國本建方位才優者疏以爵號功永者頒以邑田是則秩子男而靡出帝畿介藩屏而用崇王室惟德是宅非賢孰居甲以克攝承宗疇庸錫社雖荷封茅之寵猶居食采之列成功覽分一簣尚缺於為山賜則加榮九等未膺於就國因而勇退殊匪躁求陳力就列先賢攸重惟刑與禮循理何傷

同前

沈興宗

王者建德是啓苴茅諸侯象賢必異名數器服將施於九命蒲穀攸彰於五等惟甲筮仕當年彈冠上國梓材晉用羔鴈周方方參叔豹之名未就伯禽之典稽諸載策閱以等威元士本視於附庸賜命不同於列國異唐侯之桐葉未剪參墟如鄭武之緇衣尚勤周政提封匪

欽定四庫全書

文苑英華
卷五百三十二

盈萬井旌旗猶闕九旂丞相出關昔聞其語絳侯就國
今則未宜請詳訴者之詞無縱有司之糾

同前

崔譚

天地設位聖人成能任良列官以同而異故周分六職
懸教理之文禮辨九儀正邦國之典惟甲位荒王爵寵
受公車賜則當五命之差等威陳七就之數既圖龍鵠
之象亦分金玉之飾大赤以朝闕一作闕諸異姓之伍太
白爰即崇乎四位之封彼已之詞誠組總之未備有司
之令意曩倫之是疑國容此欺爾瞻何在子有車馬不
馳不驅禮尚威儀不軌不物真以典憲允乎清明當是
負霜之凶非為遇雨之吉

同前

劉為輔

度土居人量地制邑政不求備官惟其能故周設六卿
辨方正位禹敷九土俾乂底績將以緝綏黎獻作乂都
鄙是崇錫命之儀爰求則柄之法靖言伊甲生也逢時
祿以代耕崇冀登於一命朝以拜錫位何辭於小國必

欽定四庫全書

文苑英華
卷五百三十二

四

若才惟致理道可濟時則所告必聞何始乎就列并高
自下宜忘於擇地况堯舜在上車書必同莫非王臣咸
仰天秩未能敬恭君命曷得遐棄厥司宜褫帶以受服
奚薄言而有訴咎自作也刑其渥凶庶片言之可懲一作微
慙兩端而斯扣

拜命

拜命布武判

王季拜命堂下布武王人謂失恭肅正以簡書季云其
儀得中

欽定四庫全書

文苑英華
卷五百三十二

五

對

爵祿馭賢在乎典禮侯伯之秩厥有成命惟彼王季紀
名太常對茲王人拜命堂下心則隕越若天威之不遠
躬行俯倭信魯史之無替禮實宜之德用稱者為臣不
易時觀布武之儀事君盡節寧及簡書之政言以得中
季其信然刑乃正邪法固難捨

同前

長孫憲

拜有九命光錫之道長人有十等尊卑之位殊今者王人斯來王季拜命固宜鞠躬以進安得布武而行天威咫尺異齊桓之盡敬綸命渙汗無考父之益恭實以乖儀奈何文過簡書既正噬腊空勤

同前

郭納

國有燕饗使存聘覲苟趨步失容豈外臣倨禮王季秩班王爵位參朝會拜命之辱則崇布武之儀肅恭之容旋被簡書之正故知取禮則非與謂失則深文肆無稽

欽定四庫全書

文苑英華
卷五百三十二

六

之薄言責有恒之大典眷言彼季頗習禮經得中之儀固無乖於揖讓同惡之恤爰匪臧於訟詞誰謂王人不如林放

請命

請命服判

庚為伯有拓境之功而請命服所由以舊有不許曰非新命未敢自安請受其衣未知合不

對

盧藻

列爵有等是稱分地厥功惟茂爰加命服惟庚廓茲疆宇却彼戎夷若置朔方如通西域同一作秦襄之績寧徵舊有美晉文之勲實茲新命以斯而請誰曰不然方今文教式敷武功載闡將趨衛霍屢飲月氏之頭謨蓋賈終幾係單于之頸絕漠無驚緣邊罷候無聞茅土之封寧止衣裳之錫所由不許胡以自安豈曰無衣受其六而或可顧茲拓境聽彼伯而為宜

同前

鄭昉

欽定四庫全書

文苑英華
卷五百三十二

七

爵無及惡必在賞功服以旌禮豈忘褒德苟忠誠之不匱則禮命之可嘉惟庚五等受封九命作伯懷贊國之義一作利無忘盡忠申拓境之謀是為聲節既而敢忘錫

命以循己榮功則成焉賞宜及矣一作雖名器所慎不

欲假人而車服以庸是宜一作何處勸善所司將為賞僭難

為書勞彼庚自為功能敢為固請榮之不報善欲何歸宜褒晉武之六衣佇美吉甫之三捷必也爵無踰等道

在守官未可新加請從舊制臧否之理其在茲乎

小國附庸判

甲有子男之爵田四十餘里修附庸之禮於諸侯所司以違禮科之不伏

對

列爵惟五肇侯伯而成規分土為三自夏殷而立制為之中上次以卿士式序代耕之祿攸均列國之田任土歸餘則聞恒政朝宗會正豈得踰閑惟甲策名膺茲利建朱羽八貢一作朱縣人仕漸飛鴻以成儀白茅致封均錫馬

欽定四庫全書

文苑英華卷五百三十二

之蕃庶子男為秩雖居尊爵一作號之榮丹邑分疆爰在

閒田之列里不充於五十國誠在於附庸文軌則同朝

覲非及禮不合於天子事將託於諸侯抑惟典常孰為

乖越科之不伏誰謂非宜

職官

三公佩刀入閣判

乙為三公佩刀入閣門下監門不覺法司論罪俱至死辭云錯誤請減議論法司執云君上之前不容有誤議

之則可減之則非

對

宸居宅中元輔就列蘭綺襲固必表九重之尊槐位辨官以崇八命之禮旋觀彼乙從事於斯當竭奉上之誠黼畜不祥之器未聞擒敵徒有孟勞之實踐一作既榮班遂得呂虔之贈况趨於清切佩以周旋誤作匪宜入閣固當伏罪守之不謹監門自可論辜請從司敗之科以戒事君之旨徒云議貴須正刑名

欽定四庫全書

文苑英華卷五百三十二

方領為衣判

甲為方伯以黃紕方領為衣丁告不伏

對

分土建邦地方千里擇賢受職榮加九命將以大煒一作

時憲欽奉國儀惠康庶績宣揚大化甲為方伯實佩

儀章既剖竹以分憂佇坐棠而行政理宜潛潤德教廣

扇仁風用申象闕之儀以副專城之望何得異文翁之

簡化昧朱邑之廉平擅易長裾忽為方領効韓延之東

郡有制黃紱比胡質之南荆曷無清譽且舊級之節禮
有等威踰矩不祥僭奢斯咎服之不稱一作身之為災
自投三尺之書湏免六條之秩

問羊知馬判

甲問羊知馬隣人告其左道主司科之訴稱鈎距

對

裴興

天地設位聖賢成能一人垂衣百官承事瞻言京邑實
曰帝都必舉忠良是則率土聿求俊乂司牧黎貺猗哉

欽定四庫全書

文苑英華
卷五百三十二

十

彼甲俾茲從事賓王利用學古入官必誅群妖以靜矯
慝於是曩倫各序軌物不憊將採績字人勿使失性終
廣術察罪必欲懲非乃取赭汙衣息桴鼓而清盜因問
羊知馬為鈎距以得情斯亦多聞攸稱罕測且正色率
下類夫韓氏之名勵節執忠同彼李公之譽必欲人安
俗理在為法以繩之擿伏擒姦於從政乎何有比諸製
錦事且審於操刀語以烹鮮理必明於遊刃恪居瀕職
無俾我虞念茲隣人昧於典憲徒為狂狷之說雖尚口

以見窮誰聽芻蕘之詞終噬臍而致譴室其多訟無逞
遊詞是非相鼠之尤寧知爽鳩之罰彼廣漢者吾其與
之

鈎距為業判

甲以鈎距為業卿人告不詞

對

上智利人遵乎古道下愚樂業勤是貿遷且貨殖乃資
政之由龜貝作為生之本所以五行嘉於權量九府鑄

欽定四庫全書

文苑英華
卷五百三十二

十一

其圓規弘羊美金充物少府壽昌論穀興利大農文馬
有權幣分輕重之價青鳧致準物辨鉛錙之則當較固
而有禁在乾沒而難容甲也探情善詒鈎距欲贏其貨
寧惡其累聞諸駟騶之言曉彼質劑之契縱使鈎願去
賣先窺卜式之羊紫蹄來驚預問李斯之犬叅伍不失
毫釐匪差實廣漢之為能非釋之而不調里仁為美夫
復何言

大臣拜將改廳判

姚先意拜將作大匠以父曾任此官請改易廳事坐處

對

員峴

先意多才入仕直道登朝權上路之衣冠光大君之寵
命周官有序既標將作之名漢制無差還視列侯之秩
家聲克紹門閥載昌京兆地靈帝氏之繼為丞相姑臧
人物張家之歷踐武威前史不以為非通方不以為累
事可師古何必循常然遺劍可悲喬木有感名教之地
動息增懷隔以屏風昔聞其旨易其坐處今見斯人苟
欽定四庫全書 文苑英華 卷五百三十二 十三
遺芬而在旃宣夫君之可誚

同前

崔訟

先意夙傳餘慶生亦逢時章綬斯榮位崇多士箕裘不
替代掌百工帝丞相之高風鬱然繼軌顧侍郎之嘉植
貽厥有憑既而事因地勢言從天爵雖於公府之間疑作
尚尚私庭之禮父子不宜同席古典有諸居官宜欲
易廳今則何稟

員外郎讓題劍判

員外郎陳景居官清謹上親以宸一作神筆題劍賜之有
龍泉字景揆無功不敢當受遂表奉讓御史彈故違勅

不伏

對

季子康

陳景門接聚星望高披霧香含紫帳烏下丹墀待漏南
軒依玉壺而轉潔書章北闕映金波以自清趨簡要之
司握蘭任重出神仙之路題柱恩深電影分龍星芒自
轉霜毫寫鳳神筆俄飛事頗叶於韓稜寵方同於漢主

欽定四庫全書

文苑英華 卷五百三十二

十三

慙無功最固有謙辭奏草輸忠初聞賜劍吹毛入罪忽
見彈珠然而鴻澤旁流將崇懋賞烏臺典法欲實深文
郎官未越常規御史到疑同違勅既無負犯並宜告記
錦衣狐裘判

有錦衣狐裘者或舉之違僭稱取地受服

對

袁令問

命者則何諸侯錫服封之所謂天子胙土列爵馭貴班
瑞等官紀律有常紕繆無籍彼食舊德實光象賢引之

表儀用服臧禮分之彩物有文庇身無刺主之削土是

獻劍疑作細以當室淹恤草莽乃徵寨之與禱恭承匕鬯

宜錫裘以用錦斯委曲以趨禮何謫詐而見尤無聽偏

辭使叶中典

太守步歸郡邸判

甲步歸郡邸掾史大呼曰妄誕耳所由責其失禮訴云

懷其印綬初不知實

對

張何

欽定四庫全書

文苑英華
卷五百三十二

帝念分憂國資共理慎擇股肱之守以為藩屏之臣甲

遇明時偏承重寄湏縈畫錦焉可步歸未聞叔度之歌

空効買臣之事自可奉字新命剖之分符而乃襲以故

衣懷其印綬況從大夫之後不可徒行而於掾史之間

誠為誕妄車魯不下匪黃霸之臨人吏乃疾呼類陳遵

之驚座以為失禮其若有詞捨而勿詰於古何愧

文苑英華卷五百三十二

欽定四庫全書

文苑英華卷五百三十三 宋 李昉等 編

為政門十五道

為人興利判二道

教吏為詬笮判二道

不拘文法判二道

告糴判一道

刺史求青牛判一道

京令問喘牛判三道

長安令登夫家判一道

縣令增貨判三道

為人興利判

欽定四庫全書

文苑英華
卷五百三十三

南陽太守好為人興利作均水刻石立於田畔採訪使

奏煩擾訴云以防忿爭

對

樂都既康太守成式念為未之功而無鹵 開均水之

法以防忿爭故經界不正人將生心土田陪敦見左職傳

競用力規子木偃左傳子木規偃之政思桓公障谷

之盟春鍾星繁溝脰綺錯孫叔敖之霸全楚意在陂塘

邵信臣之典南陽名因溉灌興利除害而人不爭雖歎

獻音康穀不升謂之獻

之荐及因京抵之有望俾知涯分無廢亟

活何使司之不明而効奏之非允昔鄧晨開夢理鴻隙而條源何敞效能流嗣陽而刻石揆今度古自合激揚糾繆繩愆妄云煩擾以茲獲戾不亦太一有乎

同前

韓極

欽定四庫全書

文苑英華卷五百三十三

二

自物必制嘉謨克獲飭勸耕桑領符卧理出入阡陌其政寧居且通溝之攸在亦堰陂而斯尚鄉亭之中曾未刻石水門之下初欲成雲化可比於文翁恩實多於邵父使臣以飲水察俗煩擾致詞太守以均水利人約束尤當疆場有理知薄言之足稱忿爭不生何簡書之妄奏比而無爽自可明徵

教吏為銘甯判

丙為守教吏為銘甯得其書記子弟所言以相告許保訪使科其不能和睦於人辭云以散其黨

對

閑邪存誠禦奸以德彼訓人者為政先之其有風俗未

齊泉數為患共成黨與率相比周作法於涼且從權而救弊誰能執熱故逝濯以隨時惟丙化俗臨人除患務本散落奸黨在三輔而尤異糾訴豪族為一切之權宜同夫汙衣致偷問羊知馬類鈎距之能事物無隱情俾枹鼓之稀鳴人皆懼法既且違於從政復何恤於人言效廣漢之銘甯聿聞操簡比國僑之刑鼎終見貽書既度時而立功亦反經而合義如肯綮之投刃乃豪猾之云鋤何八使之縱効在一畫而斯撤

欽定四庫全書

文苑英華卷五百三十三

三

同前

蔣諫

學以入官員足幹事苟隨時而制法則助化之通方施於在公是亦為政景忠而奉職知無不為置以銘甯方茲水器觀書記而察過託子弟以為言冀乎擒奸固隳黨與嗟爾人吏胡為告計未能反身三省而乃相怨一方不悛厥心覆惡其上一作覆怨其上使司急夫求瘼務彼澄清察以不能責其非當斯則小人難養抑亦君子何情顧禮義之不愆爰糾舉之能恤

不拘文法判

甲為守不拘文法科其罪曰無為而已

對

建官惟賢臨下以簡爰合大中之道可還淳古之風甲委質清時分符列郡崇簡易之道化洽百城削文法之苛人安千里如汲黯之為守卧理淮陽若龔遂之能官行歌渤海無為而理不肅而成固良吏之可嘉何深文而見劾且政有經矣豈必拘之守常人可化焉自當變

欽定四庫全書

文苑英華
卷五百三十三

而至道欲科厥罪不見其宜

同前

垂範作則資政教而為本居上訓下在文法而為先甲非異能職忝專守聖人之轡策曾未奉於公家為政之脂粉且聞隙於吏道必也心疑有待道貴無為遠企革胥之朝或使人迷日用久異大庭之俗何不事與時遷况澆風大行淳化已寢宜奉先王之法用革小人之心奚乃不拘自速伊咎繼引古訓亦真今科

告糴判

得甲為郡一年不升告糴於鄰州觀察使讓其無備云百姓有積則公賦不足

對

李淑

救災恤鄰古之令典有備無患邦之善謀甲宣彼六條克念勤恤施其五教務彼樂輸而天災流行實害嘉穀井稅不給職司其憂告糴於鄰庶擬泛舟之役有年而蘊曷資祿稟之用一作為况今寰宇初泰黔黎再寧惟彼

欽定四庫全書

文苑英華
卷五百三十三

五

萊田尚多荒隴畎畝之獲毋憂於家給什一之稅咸資於國儲或委積之闕然乃凶歉而無備觀察援今習古恐謬是非郡守通變隨時何妨損益捨而勿讓咸一作愚謂合宜

刺史求青牛判

許州人鄭傑家有青牛刺史張勤從傑求市不與及勤身死傑將牛贈勤子鄉人告取牛父為監臨

對

張勤宗承七葉政舉六條經一作日無戲方訓白鹿章

星可慕欲好青牛鄭傑崇水通門裏城編戶既仰留棠

之德旋聞伐梓之求言惜清廉少從拒抗雖林中鳳集

已見秦彭而天上鶴來忽徵王距一作銅符此闕玉樹

斯在始叶朱暉慮玷解刀一作之化終齊季札即追懸

劍之誠昔孔氏脫驂猶見疑於弟子今張勤受犢何廢

惑於鄉人論情不是監臨撫事適當投贈輒為糾告深

情古今不犯刑書理宜絕筆

欽定四庫全書

文苑英華
卷五百三十三

六

京令問喘牛判

京縣宰冬日退朝逢相害者至死初不屑懷委而不問

俄見行牛喘停車尋詰久而方去所司以為不理所職

妄干他事

對

二京分邑墨綬居官三揖通班黃圖作宰自可遙聞善

政廣樹嘉猷江陵叩頭止風有驗洛陽強項據地無從

何得道乏良規人餘惡少翳桑墻下不見童子懷仁垂

楊路旁唯聞暴客相殺一朝之忿爰揮白刃百年之命

遽掩黃泉縣宰既不開口死者固難瞑目人雖進路事

屬退朝忽此逢牛翻能駐馬群非向楚詎是因風氣似

還吳猶疑見月但以時流愛一作景寒結層冰自有慘

切之容元無溫燠之候六畜行觀致喘四時坐見失宜

此乃丞相及言何煩邑宰垂詰操刀之術罕明代斷之

嗤難免憂喘不憂殺正是越司問牛不問人豈非離局

以為妄干他事實亦雅叶本條

欽定四庫全書

文苑英華
卷五百三十三

七

同前

崔融

奕奕九重鏘鏘萬國凝旒闡纘天臨布政之宮曳組垂

紳日旰懸書之闕臺郎伏奏蕭翟初飛縣宰退朝王鳧

稍下度金錢之廣埒過鐵鎖之長橋河南帝城是惟都

會陝西王邑須禁推埋何得逢暴客而不收委僵屍而

無詰徵洛陽之故事行馬先知採漢相之遺塵停車有

問當其所職曾不懼於宣風越其所司翻見憂於喘月

妄干他事深謂當然牒送所由任依常典

同前

康廷芝

皇都赤縣帝宅仙居萬國攸歸四方是則縣令幸陶昌
化謬宰神京過北陸之寒初屬南宮之朝退珂迴九陌
騎歷三條俄逢藁芥之先復屬蘭單之變材非玉鉉顧
牛喘而多懷任綰銅章觀人亡而不問既昧為邦之術
徒興體國之心是曰曠官足成侵職所司糾劾有合通
途

長安令登夫家判

欽定四庫全書

文苑英華
卷五百三十三

長安令初上登夫家衆寡因移用其人觀察使以為煩
辭云各逐地宜救其時事

對

盧仁瞻一作瞻

求才審官以恤人瘼施貢頒賦宜遵國章苟玷爾舊規
亦荒我王度瞻彼邑宰實曰能賢物土之宜使廬井之
有伍隨時改作在稅征而無差方今弓矢未櫜疆場尚
一作駭眷言州縣尚勞其供億念茲倉庾已竭於餽牽
固可當官而行慮善以動均有無於鄉黨足可安人稽

衆寡於夫家是資贍國議事以制且叶於時宜執法奉
公何乖於古典觀察所見理或未然請從百里之謀佇
聽千箱之詠

增貨就賦判

劉乙為邑道百里增貨就賦減年從役

對

邵潤之

四井為邑先王所以致理九賦歛財大宰由其懸法劉
乙返風遺緒震雷成化不下堂以任人入其境而稱善

欽定四庫全書

文苑英華
卷五百三十三

無奪時以立教終悅使以忘勞故增貨以請征方減年
而願役鷄衣本弊已聞杼柚之空鶴髮將衰尚勞筋力
之事當今升域中之福致天下之肥高三代之養老遵
九式而節用何必增貨減年然後計獎論績道一作紀
成於咸暢理儀一作宜守其恒典

同前

蔣挺

皇明撫運萬寓欽承墨綬為邦四人從化雖輯寧之道
自我國章而惠養之規亦憑良宰劉乙懷符宓賤比績

劉平增貲減年誠一時之異政以今方古亦千載而同風撫狀雖欲驚疑論情翻可嘉尚請從薦舉用表賢能

同前

學古人官議事以制正其德以率下下不忍欺厚其生以養人人樂其業既而教化之本禮讓為先量力而行省嗇其用懷恩者增貲就賦慕義者減年從役可為銅墨之標長不在金科之擬議必若情由抑遣可與願為欲求異政之聞殊失養人之道此亦深心莫測聽攸

欽定四庫全書

文苑英華
卷五百三十三

十

疑百慮未孚兩端須扣

文苑英華卷五百三十三

欽定四庫全書

文苑英華卷五百三十四 宋 李昉等 編

縣令門十六道

縣令有惠化判一道 損戶簡絲判一道

夷攻蠻假道判九道 廩無積粟判一道

縣令辭疾判一道 增年避役判一道

竊錢市衣與父判一道 集百姓不便判一道

縣令有惠化判

欽定四庫全書

文苑英華
卷五百三十四

晉陵縣人王茂於訪察使所稱縣令任意有惠化終日清談職務修理每行笞罰惟以蒲鞭舉請升進使司以為寬疎不依令式欲科縣令不伏

對

康庭芝

任意慶偶千齡榮登萬室彈弦作宰動宓賤之芳聲製錦無傷追尹何之美政決辰行化方類子平終日清談更同夷甫有耻且格寧收櫟楚之威以德代刑但示蒲鞭之罰王茂幸編名數預奉弦歌欣承赤子之恩喜沐

慈君之惠屬以皇明遠散天使遐巡思甄三異之能式

舉一同之善訪一作廉察使官膺珥筆任總方書飲驄馬

於江城集霜烏於海樹埋輪糾武宣謝張綱攬轡澄清

何慙孟博卷言褒貶當適古今儻昧激揚遂乖彰瘴徵

劉寬之故事仁迹斯存覽任意之清猷嘉聲可挹既稱

良吏雅合名聞忽見吹毛便虧直指銅章有術久垂桃

李之陰鐵柱一作握無謀一作死且寢梧桐之問

損戶繭絲判

欽定四庫全書

文苑英華
卷五百三十四

甲宰邑而損其戶數按察使糾按曰不為繭絲

對

林琨

安人立政輯寧是職苟失厥德其惟不康伊甲宰邑墮

爾子位異彼魯恭無聞馴翟詎同言偃不見割雞視茲

荻蒿嗤士言之招納且修保障類尹鐸之權宜事雖害

公義不徇已損其戶數法所難踰務以繭絲時維救弊

假如晉陽始禍朝歌同惡事貴適時辭之或可况今聖

一作理惟敦本政在養人且乖既庶必招明罰察使所糾

寧叶大中

夷攻蠻假道判

夷攻蠻道由邊邑麥已熟或請人皆出獲宰不許郡長
讓之云恐為不耕者所得

對

史歲用

善教者為政有聞適權者在邦必達能臨事而當斷非
不詢而作謀苟或越官是稱專欲屬王風不振霸業衰
陵蠻夷假道於上國丁壯就功於下土我承其弊肆毒

欽定四庫全書

文苑英華
卷五百三十四

宜縱於貪狼爾無令聞為患亦同於姦賊思營負戶議
發懸門雖師將入郭而人未及麥茂宰施令黔黎酌心
能操製錦之刀不素在綱之網禮先敦義政貴有恒盡
地必資於勸分滌場或存於禁末我疆有畔頂務材而
訓農他人越思豈瘠魯而肥杞縣大夫之立法於子何
誅郡符竹之薄言將子無怨且人有食色師非及耕宜
從宣父之存信不讓荀吳之棄鼓况縣道駢雜寇衝錯
聯若從獲於或一作城人是亂行於田畷則輕賈者先於